

«Շիրակի ուսուցիչների միություն» գիտական կենտրոն ՀԿ

Վերապատրաստող կազմակերպություն

Ավարտական հետազոտական աշխատանք

Թեմա՝ Գեղարվեստական գրականությունը հասարակագիտության
ժամերին

Առարկա- Հասարակագիտություն

Ուսուցիչ՝ Աննա Բարսեղյան

Դպրոց՝ Ֆոտոն վարժարան

Ղեկավար՝ Կարինե Ալեքսանյան

Գյումրի 2023թ.

ԲՈՎԱՆԴԱԿՈՒԹՅՈՒՆ

Ներածություն-----	3
Գլուխ առաջին-Գեղարվեստական գրականության էությունը և կարևորությունը-----	5
Գլուխ երկրորդ - Գեղարվեստական գրականության դերը հասարակագիտության ժամերին-----	9
Եզրակացություն-----	13
Օգտագործված գրականության ցանկ-----	14

Ներածություն

Գեղարվեստական գրականությունը արտահայտում է կյանքը պատկերավոր, իսկ աշակերտների մոտ տպավորվում է, այն ինչ ներկայացվում է պատկերավոր:

Գրականությունն օգնում է մեզ տեսնել մարդու ներքին գեղեցկությունը, սովորել հասկանալ և գնահատել այն: Գրականությունը ոգու և անհատականության դաստիարակության հզոր աղբյուր է:

Թեմայի արդիականությունը կայանում է նրանում, որ գեղարվեստական գրականությունը ոչ միայն վերարտադրում է կյանքը այնպես ինչպես նա կա, այլ նաև վերաստեղծում է այն:

Գեղարվեստական գրականության նշանակությունը հասարակագիտության դասավանդման ճանաչողական և կրթական խնդիրների լուծման գործում լայն է և բազմազան: Ուստի դրա կիրառման մեթոդները նույնպես բազմազան են: Գեղարվեստական գրականության կիրառումը կարող է իրականացվել ինչպես դասի ընթացքում, այնպես էլ արտադասարանական գործունեության կամ սովորողների ինքնուրույն ճանաչողական գործունեության մեջ:

Գեղարվեստական գրականությունը ոչ միայն ներկայացնում է կյանքը, այլ նաև նպաստում է հասարակության բարքերի, անհատականությունների ձևավորմանը: Կարևոր նշանակություն ունի աշակերտների դաստիարակման գործում: Նաև կարևոր նշանակություն ունի աշակերտների խոսքի, լեզվական կարողությունների զարգացման գործում:

Հետազոտական աշխատանքի նպատակն է ուսումնասիրել գեղարվեստական գրականության առանձնահատկությունները հասարակագիտության ժամերին:

Նշված նպատակին հասնելու համար առաջադրվել է հետևյալ խնդիրը ի՞նչ կարևոր նշանակություն ունի գեղարվեստական գրականությունը հասարակագիտության ժամերին և ի՞նչ կարողունակությունների զարգացման է նպաստում:

Հետազոտակա աշխատանքն իրականացվել է ընդհանուր վերլուծության մեթոդով:

Աշխատանքը կազմված է ներածությունից, երկու գլուխներից, եզրակացությունից և օգտագործված գրականությունից:

Գլուխ 1 Գեղարվեստական գրականության էությունը և կարևորությունը

Գեղարվեստական գրականությունը արվեստի տեսակ է, որն իբրև միակ նյութ օգտագործում է բնական լեզվի բառերն ու կառուցվածքները: Գեղարվեստական գրականության առանձնահատկությունն ի հայտ է գալիս, երբ համադրվում է արվեստի այլ տեսակների (օրինակ՝ երաժշտության կամ կերպարվեստի) հետ, որոնք բառա-լեզվականի փոխարեն կիրառում են այլ նյութ:

Գեղարվեստական գրականությունը կարող է հանդես գալ նաև համատեղվելով արվեստի այլ տեսակների (թատրոն, կինո, երգ, տեսողական պոեզիա), ինչպես նաև՝ բանավոր տեքստի այլ տեսակների հետ փիլիսոփայական, հրապարակախոսական, գիտական և այլն: Գեղարվեստական գրականության, ինչպես և՛ արվեստի մյուս ճյուղերի, բնորոշ գծերից մեկն էլ այն է, որ ընդգրկում է հեղինակային ստեղծագործությունները՝ ի տարբերություն հեղինակ չունեցող բանահյուսական ստեղծագործությունների:

Գրականությունը աշխարհը հասկանալու միջոց է, այն օգնում է մեզ հասկանալ «ինչը լավն է և ինչը վատը», ցույց է տալիս մարդկային համընդհանուր հակամարտությունների ծագումը: Գրականությունն օգնում է մեզ տեսնել մարդու ներքին գեղեցկությունը, սովորել հասկանալ և գնահատել այն: Գրականությունը ոգու և անհատականության դաստիարակության հզոր աղբյուր է: Գեղարվեստական պատկերների բացահայտման միջոցով գրականությունը մեզ տալիս է բարու և չարի, ճշմարտության և կեղծիքի հասկացություններ: Ոչ մի պատճառաբանություն առավել համոզիչ, չի կարող այնպիսի ազդեցություն ունենալ մարդու մտքի վրա, որքան ճշմարտացիորեն գծված պատկերը: Եվ սա է գրականության ուժն ու նշանակությունը:

Գեղարվեստական գրականությանը հաղորդակցվելն ընդլայնում է երեխաների գիտելիքները մարդկանց կյանքի ու բնության երևույթների վերաբերյալ, նրանց մեջ դաստիարակում է բարձր զգացմունքներ, ճիշտ վերաբերմունք է մշակվում շրջապատի նկատմամբ: Հարստանում է երեխաների բառապաշարը, զարգանում երևակայությունը, և սեր է արթնանում ընթերցանության ու գրքի հանդեպ: Գեղարվեստական գրականության շնորհիվ ընդլայնվում է նրանց մտահորիզոնը, հղկվում գեղագիտական ճաշակը, կոփվում կամքը: Այսինքն գիրքը մեծ ազդեցություն

է ունենում երեխայի անձնավորության ձևավորման ու զարգացման վրա, նրա մեջ պատվաստում բարոյական հատկանիշներ:

Իրականության գեղարվեստական արտացոլման և գնահատման բազմազան ձևերն ու եղանակները վերջին հաշվով արտահայտվում են էպիկական (պատմողական), դրամատիկական (թատերգական) և քնարական երկերի մեջ: Վերջինիս հիման վրա էլ, դեռ անտիկ աշխարհից սկսած, գրականությունը բաժանվել է երեք սեռի, որոնք ունեն իրենց վառ արտահայտված յուրահատկությունը, ինչպես արտացոլվող բովանդակության, այնպես էլ նրա բացահայտման սկզբունքների առումով:

Խոսենք յուրաքանչյուրի մասին առանձին:

Էպոսը քնարաէպիկական ժանրի ստեղծագործություն է, որը ներկայացնում է տվյալ ազգի մշակույթը և ազգային առանձնահատկությունները: Այն գրված է պատմական իրադարձությունների հիման վրա, որոնք հիմնականում պատկանում են ակունքներին ընկած նախնադարյան հասարակարգերի ընդերքին, և ժողովրդական ավանդությունների հիման վրա: Էպոսները սովորաբար գրվում են չափածո բանաստեղծության նման: Էպոսներում սովորաբար նկարագրվում է տվյալ ազգի պատմությունը և ազատության համար պայքարը:

Ազգային էպոսը էպիկական բովանդակությամբ էպիկական ժանրի բանաստեղծության կամ գրականության գործ է, որը ավանդաբար ներկայացնում կամ արտացոլում է որևէ ազգի մշակութային կամ ինքնաձանաչողական ոգին, դա կարող է վերաբերել նաև ինքնուրույնության կամ անկախության ձգտող որևէ էթնիկական կամ լեզվաբանական խմբի: Ազգային էպոսների մեջ հաճախ նկարագրվում է տվյալ ազգային էթնոսի ծագման և զարգացման պատմությունը, կամ պատմության մի մասը, կամ տվյալ ազգության ինքնորոշման կամ ինքնագիտակցման պատմության կարևորագույն դրվագները և այլ ազգային խորհրդանշանների ծագման կամ ընդունման պատմությունը:

Քնարական սեռը կամ որ նույնն է քնարերգությունն ունի գերազանցապես սուբյեկտիվ բնույթ: Այստեղ կյանքի, մարդուն շրջապատող հանգամանքների արտացոլումը տեղի է ունենում ոչ այնքան ուղղակի պատկերման, որքան դրանց նկատմամբ վերաբերմունքի բացահայտման ճանապարհով: Առաջին պլան են մղվում

ոչ թե արտաքին աշխարհի երևույթները, դեպքերը, այլ անհատի հոգում դրանց հարուցած տրամադրությունը, զգացմունքն ու ապրումները: Դա էլ հենց դառնում է իրականության ըմբռնման ու գաղափարական գնահատման ելակետ: Քնարական ստեղծագործությունը, որը սովորաբար փոքր ծավալի չափածո երկ է, հիմնվում է որևէ ապրում-պատկերի վրա: Վերջինիս հուզարտահայտման և ծավալման եղանակով էլ պայմանավորված է քնարական ստեղծագործության կառուցվածքն ու զարգացման ընթացքը: Սակայն իր արտահայտման եղանակով լինելով սուբյեկտիվ, քնարերգությունն կարող է ներկայացնել օբյեկտիվ իրականության լայն պատկերը՝ բեկված անհատական վերաբերմունքի և ապրումների մեջ: Քնարական ստեղծագործության հասարակական ու գեղարվեստական արժեքի հիմնական չափանիշն այն է, թե բանաստեղծի անհատական հուզաշխարհի միջոցով ինչպես են արտահայտվում ժողովրդի հոգեկան նկարագրի ու ժամանակի էական գծերը: Հաջորդ սերը դա դրամատիկական ստեղծագործություններն են: Այստեղ հեղինակը ոչ թե պատմում է դեպքերի և հերոսների մասին, այլ ուղղակիորեն ցուցադրում է այդ ամենը մեր առջև:

Էպիկական ստեղծագործության նման, դրաման ևս ունի հստակորեն գծագրված կերպարներ ու գործողության ընթացք՝ սյուժե: Դրամատիկական սերի ստեղծագործությունները կոչվում են նաև պիեսներ: Դրամատիկական սերի ժանրերն են՝ ողբերգություն, կատակերգություն, դրամա, ֆարս: Դրամատիկական ստեղծագործություններն ունեն հատուկ կառուցվածք. դրանք բաժանվում են մի քանի գործողությունների (արարված, ակտ): Թատերգություններն ավելի հաճախ ունենում են 3-5 գործողություն, որոնցից ամեն մեկն ավարտում է սյուժեի զարգացման մի կարևոր օղակը: Պիեսը գործողությունների բաժանելն անհրաժեշտ է ներկայացման ժամանակ ընդմիջումներ տալու, դեկորացիաները փոխելու համար: Գործողությունն էլ երբեմն ունենում է իր մասերը՝ պատկերներ, որոնց ավարտից հետո տրվում է ավելի կարճատև դադար: Գործողությունը կամ պատկերն ունենում են բազմաթիվ ենթաբաժիններ, որոնք կոչվում են տեսիլներ: Ամեն մի տեսիլ սկսվում ու ավարտվում է այն ժամանակ, երբ բեմի վրա երևում է նոր հերոս, կամ, ընդհակառակը, ներկաներից մեկը հեռանում է:


Գեղարվեստական գրականությունների հետ շփումը հիմնականում աշակերտների մոտ ձևավորում է գեղագիտական ճաշակ: Կատարելով ճանաչողական ֆունկցիա՝ գրականությունները մեզ բերում են հատուկ գիտելիքներ աշխարհի մասին: Մոցիալական և հոգևոր գործընթացների մասին այս գիտելիքները երբեմն ավելի խորն են, քան գիտական գիտելիքները: Գրականությունը մարդու հոգու մասին գիտի ոչ պակաս, եթե ոչ ավելին, քան հոգեբանական հատուկ գիտությունը: Բայց բանն այն չէ միայն, որ ստեղծագործությունները տալիս են նույն գիտելիքը, ինչ գիտությունը, այն տալիս է արժեքավոր գիտելիք, և դրա մեջ անմիջապես ընդգծում է այն, ինչ կարևոր է մարդկանց համար:

Այսպիսով՝ ինչպես նշվեց գեղարվեստական գրականությունը ոչ միայն ներկայացնում է կյանքը, այլ նաև նպաստում է հասարակության բարքերի, անհատականությունների ձևավորմանը:

Գլուխ երկրորդ: Գեղարվեստական գրականության նշանակությունը հասարակագիտության ժամերին

Գեղարվեստական գրականության նշանակությունը հասարակագիտության դասավանդման ճանաչողական և կրթական խնդիրների լուծման գործում լայն է և բազմազան: Ուստի դրա կիրառման մեթոդները նույնպես բազմազան են: Գեղարվեստական գրականության կիրառումը կարող է իրականացվել ինչպես դասի ընթացքում, այնպես էլ արտադասարանական գործունեության կամ սովորողների ինքնուրույն ճանաչողական գործունեության մեջ: Դասի ընթացքում գեղարվեստական գրականության ներդրումը հնարավոր է դասի գրեթե յուրաքանչյուր փուլում՝ ուսուցման մեթոդներից որևէ մեկի միջոցով:

Դասարանում գեղարվեստական գրականության հետ ուսուցչի աշխատանքի հիմնական մեթոդներից կարող ենք նշել՝



Գեղարվեստական գրականությունը առավել հստակ ձևավորում է դպրոցականների բարոյական դիրքը, քանի որ այն արտացոլում է մարդու հիմնական բարոյական փորձը: Այն օգնում է սոցիալական ճանաչողության գործընթացին՝ իրականության փոխաբերական, պատկերավոր ներկայացման միջոցով:

Գրականության ներգրավումը մեծացնում է ներկայացման ապացուցողական ուժը և մեծացնում ուսուցչի ուզական ազդեցությունը:

Շատ կարևոր է, ուսուցիչի խոսքը: Արտահայտիչ խոսքը օգնում է ուսուցչին ստեղծել կոլեկտիվ գեղագիտական փորձի մթնոլորտ, գեղագիտական հաղորդակցության իրավիճակ, երբ կրթական հաղորդակցությունը ենթարկվում է գեղարվեստական տրամաբանության օրենքներին: Հասարակագիտության ժամերին ինքս թեմայից կախված երբեմն ներառում եմ հատվածներ՝

- պատմական իրադարձությունների կենդանի պատկերներ, որոնց ուսումնասիրությունը նախատեսված է նաև դպրոցական ծրագրով,
- պատմական դեմքերի,
- կոնկրետ իրավիճակի նկարագիր, որում ծավալվել են անցյալի իրադարձությունները:

Ինքս հաճախ եմ օգտվում մեջբերումների մեթոդից: Բավականին արդյունավետ է դասի սկզբում որոշակի սկզբնաղբյուրի օգտագործումը: Դա կարող է լինել աֆորիզմ, թևավոր խոսք կամ նույնիսկ ինտրիգ՝ ստեղծելով պրոբլեմային իրավիճակ, աշխատանքային տրամադրություն:

Օրինակ՝ էպոսի մասին խոսելիս մեջբերում եմ անում հատվածներ՝

« . . Ով քնած է՝ արթուն կացեք, ով արթուն է՝ ձիեր թամբեք,
Ով թամբել է գենքեր կապեք, ով կապել է՝ ելեք, հեծեք,
Չասեք Դավիթ գող-գող եկավ, Գող-գող գնաց. . . »

«Դուք էն սասուն քարեր ինչպե՞ս հաներ եք էն վերին տեղ,

Ու քարե սան սուն եք զարկե. էս տո՛ւն շեք շինե դուք.

Ապա սասուն մ՞եք շինե: Վա՛, քանի սասուն բերդ մի. էս տուն չէ, էս սասուն է:
Սանասար ասաց.— Բա՛վ է, պապիկ, էլ ձեն մի՛ հանի. էլ անուն մի՛ դնի: Ա՛յ պապի,
անուն դրվավ.

Անուն էղավ Սասուն: Քանց էղա ավել ի՞նչ անուն:

Որ դու ասիր՝ սասուն քարեր, քարե սանսուն եք զարկե.

Մեր բերդի անուն էղավ Սասուն, Սասուն,

Մեր տան անուն՝ Սասնա տուն:»

Հաջորդ մեթոդը վենի դիագրամն է: Վենի դիագրամը կարելի է օգտագործել նյութի ամփոփման և ընդհանրացման ժամանակ՝ գաղափարները, երևույթները, անձերին միմյանց հակադրելու կամ դրանց ընդհանրությունները ցույց տալու նպատակով: Այն կառուցվում է երկու կամ ավելի շրջանաձև պատկերների միջոցով, որոնք հաստման մեծ մակերես ունեն կենտրոնում, որտեղ նշվում են գաղափարների, երևույթների, անձերի ընդհանրությունները, իսկ չհատվող մասերում առանձնացվում և շեշտվում են նրանց առանձնահատկությունները: Ինքս կիրառում եմ այս մեթոդը հատկապես երբ ուզում եմ շեշտել ընդհանրությունները և տարբերությունները:

Դասապրոցեսի ընթացքում կիրառում եմ նաև դերային խաղ մեթոդը: Կրթական ծրագրերում աշակերտներին անսպասելի իրավիճակներ եմ առաջարկում, ուր աշակերտներին անհրաժեշտ է ընդունել որևէ դեր կամ տեսակետ, այնուհետև՝ փորձեր անել դա հասունացնելու և ավարտելու: Այն աշակերտները, ովքեր չեն մասնակցում բուն դերային խաղին, ստանձնում են դիտորդի դերը և խաղի ավարտից հետո եզրակացություններ անում: Դերային խաղն արդյունավետ իրականացնելու նախապայամանը առաջարկվող դերային իրավիճակի՝ իրականությանը հնարավորինս մոտ լինելու մեջ է:

Ակտիվ մեթոդների կիրառման արդյունքում ավելացնում ենք աշակերտների ակտիվ մասնակցությունը դասապրոցեսի ընթացքում:

Գեղարվեստական պատկերը մեծացնում է ուսուցչի հուզական ազդեցությունը և զարգացնում որոշակի վերաբերմունք ուսումնասիրվող երևույթների նկատմամբ՝ առաջացնելով համակրանք, հիացմունք, վրդովմունք և ատելություն: Էթիկական նորմերը և գաղափարներն արտահայտվում են ոչ թե վերացական ձևակերպմամբ, այլ վառ կերպարներով, կյանքի կոնկրետ իրավիճակներում գործող անհատականություններով, որոնք կենդանի օրինակ են: Լինելով տեղեկատվության հարուստ աղբյուր՝ գեղարվեստական գրականությունը արժեքավոր նյութ է պարունակում աշակերտների գիտակցության մեջ մարդկության կողմից մշակված բարոյական բարձր սկզբունքները հաստատելու համար:

Եզրակացություն

Այսպիսով, հետազոտական աշխատանքի արդյունքում կարող ենք ասել, որ գեղարվեստական ստեղծագործությունները համարվում են հասարակագիտության դասերի արդյունավետության բարձրացման կարևորագույն միջոց:

Գեղարվեստական գրականությունը հասարակագիտության ժամերին ոչ միայն հիմք է դնում դպրոցականների տեսական գիտելիքների համար, այլև ձևավորում է բարոյական որակներ, պայմաններ է ստեղծում երեխայի ճանաչողական կարողությունների զարգացման համար և նպաստում է աշակերտների քաղաքացիական դիրքորոշման զարգացմանը: Նաև կարևոր նշանակություն ունի աշակերտների դաստիարակման գործում: Ինչպես նաև ունի կարևոր նշանակություն աշակերտների խոսքի, լեզվական կարողությունների զարգացման գործում:

Աշխատանքի արդյունքում աշակերտների մոտ զարգանում են մշակութային, լեզվական գրագիտություն, ինքնաճանաչողական և սոցիալական, սովորել սովորելու կարողունակությունները:

Օգտագործված գրականության ցանկ

- А. Александровна, Применение художественной литературы на уроках обществознания в начальных классах, Бугуруслан, 2016
- А. Иванова, Использование художественной литературы на уроках обществознания, Санкт-Петербург, 2019
- <https://thestrip.ru/hy/smoky-eyes/v-chem-rol-literatury-v-zhizni-cheloveka-sochinenie-na-temu-literatura-v-zhizni-cheloveka-rol-hudozhe/> 12.09.23
- <https://nikapoghosyan.wordpress.com/2018/11/21/%D5%A7%D5%BA%D5%B8%D5%BD/> 12.09.23
- <https://syuzannastepanyan.wordpress.com/2021/01/14/%D6%84%D5%B6%D5%A1%D6%80%D5%A5%D6%80%D5%A3%D5%B8%D6%82%D5%A9%D5%B5%D5%B8%D6%82%D5%B6/> 13.09.23
-